

Ɔwɔlɔ Gyankpapɔ́á Paulo Lɔ́wanlín Sísí Korintofɔ

¹ Mí Kristo Yesu sumbí ɔ́ɔpɔ Paulo ání Bulu létí mu apétɔ́ pɔ́ aní pío Sostene dé ɔ́wɔlɔ́ ánfí wanlín.

² Anidé mó wanlín sísí Bulu ɔ́pasua ání ibu Korinto wúlutɔ́, Bulu lalé amó, bwé amó mu ahá. Amóa Kristo Yesu babwé kɔ́lɛ, fé aní Wíe Yesu Kristo asúmpúá bɔ́bɔ ɔ́yítɔ́ féé, Yesu Kristo gyí aní féé Owíe.

³ Aní Sí Bulu mu aní Wíe Yesu Kristo bɔ́gyíi mlí bɔ́alɛ, abɔ́ha mlí iwílwíi.

Ania Kristo Ikɔ́lɛbwɛtɔ́ Oyúla

⁴ Ntedá Bulu pán brégyíbré, alíá mlía Kristo Yesu kɔ́lɛbwɛ su alawá awítalɛ há mlí. ⁵ Tsúfɛ́ mó su mlílanyá iwí tógyítótɔ́. Múá idɔ́n gyí mlí tɔ́i pɔ́ mlí asúnbi féétɔ́. ⁶ Iní lasúná ání asún ámúú anilébláa mlí tsú Kristo iwí ámu bɔ́ mótɔ́. ⁷ Iní su ɔ́jétɔ́ atokíehé kugyíkɔ́ mɛdɛ mlí hián séi ánfí mlíhié mlídé ekéá aní Wíe Yesu Kristo obótsu ɔ́súsú ba beɛ iwí ɔ́wan ɔ́kpa kí aní. ⁸ Mu onutɔ́ ɔ́bówa mlí ɔ́wɔnlín yófɔ́n eke ámúú ɔ́bésankí bá begyi aní asún ámu, méní aswansu méetsiá mlí iwí. ⁹ Ɔ́nɔ́kwaliɔ́ Bulu gyí. Mólétí mlí ɔ́bée, mlía mu Bi, ogyi aní Wíe Yesu Kristonyɔ́ mlíbóbwɛ kɔ́lɛ.

Ɔ́pasua Amvtɔ́ Ikɔ́lɛmábwé

¹⁰ Apío, nɔ́pɔ́ aní Wíe Yesu Kristo kókóli mlí ání mlí féé mlíbwéɛ kɔ́lɛ, méní mlíméedasaín. Mlíha mlí agywun ibwɛ kɔ́lɛ mlí asɔ́n blíhé kugyíkɔ́tɔ́.

¹¹ Mí apío, tóá swá ndɛ asún ánfí blí gyí, akvá

botsú Kloe abusuantɔ babláa mi bεε, asón bobu mli nsiné. ¹² Bεblí bεε, mliɔ akυ mliaa, “Paulo anibuo.” Abambá bεε, “Apolo anibuo.” Akυ é bεε, “Petro, bυtetráa ti mv Kefa anibuo.” Akυ é bεε, “Kristo anibuo.” ¹³ Nfíte mli, beye Kristotɔ? Paulo beda mántá oyikpalíhe amυsu há mli, ntée mv dátɔ bɔbɔ mli asú?

¹⁴ Nedá Bulu ipán ání Gaiο mvα Krispu ɔma a, mmétrá bɔ mliɔ ɔkυkυ asú. ¹⁵ Mú sv ɔhaa méetalí blí ɔbée, mí idátɔ nɔbɔ mv asú. ¹⁶ Ké! Nakáín, nɔbɔ Stefana mvα mv wóyítɔ ahá é asú. Amú ɔma a, mméekáín ání netrá bɔ ɔhaa asú. ¹⁷ Kristo mówa mí ahá asúbɔ. Mboun ɔbée, mbedα asvn wan-kláán ámv ɔkan. Megyí ɔnɔwanki pú anyánkpúsa agywun nópυblí mó, tsúfé ní nɔpú mó blí mó á, túmi kυkυkυ iméetrá tsiá Kristo oyikpalíhe amυtɔ.

Bulu Túmi Pó Mv Nyánsa

¹⁸ Aní Wíe Yesu oyikpalíhesυ lowu iwí asón ámv igyi mimlála há ahá ání bυdehi. Táme igyi Bulu túmi há aní ahá ání Bulu dé nkpa ání itamatá ha.

¹⁹ Tsúfé bɔwanlín wá Bulu asón ámvɔtɔ bεε, “Néyintá anyansapυ nyánsa.

Mmóɔhɔ amú agywun wankláán kυkυ.”

²⁰ Ní igyi alí á, mómú ntɔ onyansapυ gyí? Ntɔ Mose mbla osunápú gyí? Ɔyí ánfítɔ nwéεn agyípú me? Ɔyítɔ ansítún mé, imegyí mimlála Bulu ansítɔ?

²¹ Bulu lópv mv onutɔ nyánsa bwé mó. Nyankpúsa méetalí pú mv nyánsa bí mv ekekεεεε. Mó sv alapó aní mimlá ɔkan amúú anidéda ámv hɔ ahá ání bahɔ mv gyi nkpa. ²² Tsúfé osúna ání itsú Bulu wá Yudafo bυtekleá bópυbí ání asón ámv bυ móttɔ. Griikifo é á, nyánsa bυtekleá bópυbí ání ibυ móttɔ. ²³ Mú sv ní adá ɔkan aniaa, beda Kristo mántá

oyikpalíhɛsv á, itɔkúsú líí Yudaƒɔsv, igyi mimlála ɔmá bámbásóƒɔ é ansító. ²⁴ Táme ahá ání Bulu lalé, bɔgyi Yudaƒɔ pó Griikifɔ mó á, Kristo gyí Bulu túmi kpɔnkpɔnti pú mu nyánsa há amó. ²⁵ Tsúfé Bulu mimlála igyi ansítinla dɔn nyankpɔsa nyánsa. Mu pón é kóráá dɔn nyankpɔsa ɔwɔnlín.

²⁶ Apíó, mlíkain alíá mligyí bréá Bulu létí mli. Ahá bɔtamabú mli ɔdɔdɔvɔ ání mli létin ansí. Mli ɔdɔdɔvɔ mli mégyí iwɪ anyapó, ɔdɔdɔvɔ é bɔmotsú abusuan kpikplítɔ. ²⁷ Bulu léle ahá ání bɔma nyánsa ɔyí ánfítɔ, ménɪ ɔbópɔvɔ amó sópa atiansipɔ. Ɖéle ɔyí ánfítɔ apónpɔvɔ é, ménɪ ɔbópɔvɔ amó wá awɔnlínpó pélítɔ. ²⁸ Ɖéle ahá ání obú ma amósó, pú amóá bɔma labi kɔkɔ ɔyí ánfítɔ, ménɪ ɔbópɔvɔ amó wá amóá obú bɔ amósó pélítɔ. ²⁹ Ɖɔbɔwe mó féé alí, ménɪ ɔhaa móotsu iwɪ mu ansító. ³⁰ Bulu sv mliá Kristo Yesunyɔ mlilabwé kɔle, alapó Kristo bwé anɪ nyánsa. Mólátsú anɪ ání anɪ asún da ɔkpa mu ansító, alabwé anɪ mu ahá. Alahɔ anɪ lé lakpan nkpábitɔ, há anɪlagyi iwɪ. ³¹ Mó sv fé alíá Bulu asún ámu léblí á, “Ɖhagyíɔha ání ɔbéé, mótsu iwɪ á, ɔpúvɔ tóá anɪ Wíe labwé tsu iwɪ.”

2

Kristo Da Mántá Oyikpalíhɛsv

¹ Mí apíó, bréá neba beɔda Bulu asɔn ɔaínhé amv ɔkan súná mli á, mmɔpɔvɔ ɔnɔwankɪ ntée nyánsa kɔkɔ bebláa mli Bulu asún ámu. ² Tsúfé bréá mbv mli wá á, nɔbɔwe agywɔn ání nótɔí tsú Yesu Kristo pú mu oyikpalíhɛsv lowu nkɔle iwɪ. ³ Bréá neba a, mí awútɔ yóyóyó. Ifú de mí, ndekpinkí. ⁴ Megyí mí nyánsa pú mí ɔnɔwankɪ nɔpɔdá asún ámu ɔkan súná mli. Mbóun Ɖɔé Wankíhé amv túmi léha asún

ámɔ ɪ̀ɔwankí mlí. ⁵ Ɔleba alí, méní mlénýa mlí hógýi tsú Bulu túmitɔ, megyí nyankpɔsa nyánsatɔ.

Bulu Nyánsa

⁶ Táme ní nowíé ahá ání badan hógýi amɔtɔ wá á, ntɔpó Bulu nyánsa bláa amó asón amó. Megyí nde ɔyí keheto nyánsa, ntée ɔyí ánfítɔ ɪ̀su agyípo ání béba bɔholí amó túmi klé. ⁷ Nyánsa ánfí anidé mó ɪ̀wí asón blí ánfí igýi nyánsa ání Bulu lópuháín asa ɔyí lebelín, ání ɔbópɔwá aní numnyam. ⁸ Ɔyí ánfítɔ otúmípu ɔkɔkɔ mébí nyánsa ánfí. Ní bebí mó á, teki bɔmɛda aní Wíe Onumnyampɔ amɔ mántá oyikpalíhesu. ⁹ Táme fé alíá bɔwanlín wá Bulu asón ámɔtɔ á,

“Tóá ansíbi mɔkówwun kí, asu mókónú kí,
 ɪ̀mɔkóba nyankpɔsa agywuntɔ é kí a,
 mó Bulu lalá yáí há mɔ adwɛpó ní.”

¹⁰ Táme anulabí íní, tsúfé alalé mó súná aní tsɔn mɔ Ɔhe Wankíhé amɔsu. Ɔhé ámɔ tokwí tógyítótó kí, ɔtelé Bulu asɔn ηáínhéá ɪ̀bu ɔtótótótó kóráá súná aní. ¹¹ Ɔhaa tamawun mɔ ba nwuntɔ, nkétí mɔ onutó ɔhé. Alí kén Bulu Ɔhé ámɔ nkɔle tówun Bulu nwuntɔ ní. ¹² Aní mó á, Bulu lópu mɔ Ɔhé wá anítɔ, megyí ɔyí ánfítɔ ɔhé bu anítɔ. Mbóún Ɔhéá itsú Bulu wá, méní abétalí nú ɪ̀tó ámóú Bulu lapókíé aní faan amɔ asi.

¹³ Mó su megyí aní onutó nyánsa asón anidé mlí bláa. Mbóún asón ání itsú Ɔhé Wankíhé ámɔ wá. Mó anidépolé Ɔhétó ɔnɔkwali asón asi ní. ¹⁴ Ɔhá ání ɔma Ɔhé Wankíhé méetalí hɔ tóá itsú Bulu Ɔhé ámɔ wá, tsúfé igýi mimlála mɔ wá. Ɔhá ání Ɔhe Wankíhé bu mɔtɔ tónú asón ání Ɔhé ámɔ déblí asi. ¹⁵ Mɔtetalí tété tógyítótó nú mó asi. Táme mɔ mó á, ɔhaa méetalí tété mɔ asúntó, nú mɔ asi ekekeke.

16 Nkálì íbóbwε asa bétalí nú mó asì? Igyi fé alá Bulu ason wanlínhé amò léblí òbéε,
 “Ma òbétalí bí anì Wíε agywun?

Ma òbétalí súná m̀v asón?”

Támε Kristo agywun bu anitɔ. Mó s̀v anì mó abétalí bí m̀v agywun.

3

Bulu Asúmpó

¹ Apíó, bréá neba m̀li wá á, mmetalí tóí m̀li ansító fé ahá aní Ɔhe Wankíhé bu amótó. Nebláa m̀li asón fé ahá aní amó agywun idin ɔyí ánfítɔ atósó, bu m̀akódan Kristotɔ. ² Nyópu-ntsu neha m̀li. Mmeha m̀li atogyihε onutó. Alì bré ámutɔ á, m̀limókófun atogyihε onutó gyí. ³ Tsúfé ɔyí ánfítɔ tsiátó ítráa bu m̀litɔ. M̀lidé aba lu, m̀lidétré. Ní m̀lidé ínì bwe mé, imosuná aní m̀li agywun trá d̀n ɔyí ánfítɔ atósó, m̀ligyí fé ɔmátófɔ? ⁴ M̀litɔ akv m̀liaa, “Paulo mbuo.” M̀litɔ akv é m̀liaa, “Apolo mbuo.” Mbée, ínì medésuná aní m̀ligyí fé ɔmátófɔ?

⁵ Mbée, ma gyí Apolo, ntée ma gyí Paulo, só m̀lidétré anì s̀v? Bulu asúmpó keke anìgyí, m̀lulatsun anì íbitɔ m̀lí m̀v ahógyípu. Anitɔ okugyíakv légyi gyuma aní Bulu léha m̀v. ⁶ M̀lódú, Apolo lówulí mó ntsu, támε Bulu léha mó uedan. ⁷ Megyí odupú móa ntsu ɔwulípó lóbwε tɔtɔ. Bulu nkule tóbwε, tsúfé mutéhá mó ítedan. ⁸ Odupú móa ntsu ɔwulípó féé bugyi kékée Bulu ansító, òbéka okugyíakv ikɔ m̀v bwehé ɔnó. ⁹ Agyómá ayɔpú mía Apolo anìgyí há Bulu. M̀ligyí Bulu ndɔ, m̀ligyí m̀v obu é ní.

¹⁰ Bulu lówa awítale há mí, bwé mí obu oyípu ɔtiansipv. Mó só nɔpu abwi wá obu ámu ntswiasi,

aha bambá betalí budερωε dínká mósó ní. Táme dhagyíōha okú wankláán obu ámu pwetó. ¹¹ Tsúfé dhaa méetalí wá ntwiasí bambá dun mó ámú ida yaí, igyi Yesu Kristo amu. ¹² Ní oku opú sika pepe o, sika futútú o, abwi ání ibu bíá o, nyí o, afitáa ntée ipí yi dínká ntwiasí ámu su á, ¹³ obú ání kugyíku ibélin owan eke ámú Bulu obégyi aní asón ámu. Ogyá obópuse mó ki bee, obbwe mó wankláán. ¹⁴ Ní ogyá ámu mōhō obu ámu yíntá á, Bulu obéda mu ipán. ¹⁵ Táme ní obu ámu lōhō a, obéhiε hólí ató. Bulu obóhō mu nkpa, táme obófuflu fé dhá ání alasrí dali ogya plenplento.

¹⁶ Mliméyín ání Bulu otswékpa mligyí, Bulu Dñé ámu tsie mlitō? ¹⁷ Dhagyíōha ání oleyintá mu otswékpa a, Bulu é obéyintá mu, tsúfé Bulu otswékpa lowankí. Mu otswékpa amu gyí mli á.

¹⁸ Dhaa mámlé mu iwí! Ní mlitō oku dé mu iwí ti otiansipū nde oyi ánfito á, ilehián ání obóbwe mu iwí dha mimláhe, méní obóbwe otiansipū onutó.

¹⁹ Tsúfé oyi ánfito ansítūn igyi mimlála Bulu ansító. Fé alá bōwanlín wá Bulu ason wanlínhé amotō bee, “Otiansipū agywun laláhe Bulu tōpókítá mu.”

²⁰ Bulu ason wanlínhé amu letrá blí obée, “Bulu yin ání otiansipū agywun itépi ma labi.” ²¹ Iní su dhaa mápu ansí dínká dhaasu tsú iwí. Mlibú tógyító.

²² Paulo o, Apolo o, Petro o, oyi ánfi o, nkpa ntée lowu o, nde o, okε o, mlibú mó féé. ²³ Kristo bú mli, Kristo é gyí Bulu klé.

4

Kristo Sumbi Ayapó

¹ Iní su dhagyíōha otsú mó ání Kristo asúmbi keke mía Apolo anigyí, Bulu lapó mu ason ñáinhé amu

agyómá wá anɪ ɪbɪtɔ. ² Tɔ́á ihíe dehián gyí, ɔhá ání bapú agyómá wá mu ɪbɪtɔ obégyi ɔnɔkwali. ³ Mí mó á, ní mlɪtɔ akɔ ntée aha bambá buɔe mí pón ha kóráá á, imegyí tɔtɔ mí ansítɔ. Mí onutó ó mmɔkóhá ɪwɪ pón ntée asɔ. ⁴ Nyin mí klɔntɔ, táme imosuná ání mí asón da ɔkpa. Anɪ Wíe Yesu gyí mí asón ogyípó. ⁵ Inɪ sɔ mlɪmákɔsí lé mlɪ aba ɪlá kpéfɔn anɪ Wíe ɔbáke amɔ. Mu ɔbówankí wólí oklúntɔ atósó, lé anɪ agywɪn ɔwan, asa Bulu ɔbékanfó ɔhagyíɔha alá ilehián nɪ.

⁶ Mí apíó, mlɪ sɔ ndepɔ mía Apolo tsiátó súná mlɪ ató, ménɪ mlónu mó ámúbú ahá bɔteblí beɛ, “Mlɪmányankí tɔ́á bɔwanlín tswɪsɔ” ámu asɪ, fówun mlɪmóowun ɔhaa tsú ɪwɪ. ⁷ Ma lébláa fɔ ɔbéɛ fɔdun ɔkɔ? Ntɔ fɔbɔv́á imegyí Bulu léha fó? Ní Bulu léha fó tógyító á, ntogyi sɔ fúɔe ɪwɪ tsu fé megyí ha beha fó?

⁸ Mlɪdékú ání mlɪlamwé! Mlɪlanyá ɪwɪ! Mlɪlawúna mlɪdɛ iwíe gyí. Mí sɔ mó á, tekɪ mlɪdɛ iwíe amɔ gyí lélé, ménɪ anɪa mlɪnyɔ abégyi iwíe amɔ. ⁹ ɪɔe mí bwe fé Bulu lahá anɪ sumbí ayɔpó ánfɪ anɪlabwé ɔma agyápu fé ndoun bakpá bɔyómɔ. Tsúfé anɪlamlɪ atɔ kɪhe há ɔyító féé, Bulu-abɔpu móa anyánkpósa féé. ¹⁰ Kristo sɔ anɪlabwé aha mɪmláhe, mlɪ mó mlɪlatɪn ansí. Anɪgyí apónpu, mlɪ mó mlɪbɔ ɔwɔnlín. Ahá buɔe mlɪ bu, anɪ mó ɔhaa tamabú anɪ. Megyí alɪ mlɪdɛ anɪ kú nɪ? Ntée megyí alɪ? ¹¹ Bófɔn séi á, akón móa ɔmewólɪ de anɪ, atatɪdatɔ anɪda. Buɔe anɪ atswɛ fólɪ, anɪmá ɔɔkpa. ¹² Anɪteyírɪ ɪwɪ pú anɪ ɪbɪ yó agyómá pónyá anɪ atɔ hiánhe. Ní bɔlwí anɪ á, anɪtoyúlá amó. Ní buɔɪn anɪsɔ é á, anɪtotomi. ¹³ Ní beblí anɪ ɪwɪ asɔn laláhe a, anɪtɔpó ɔɔwe lé mó ɔnó. Bófɔn séi á, anɪlabwé

wúna, buɗe ipí pɔtsítsá anɪsu ɔyí ánfítɔ.

¹⁴ Mmɛɗé inɪ wanlín pɔsɔpa mli, mboún ndeputói kplá mli fé mí abí adwɛpú. ¹⁵ Tsúfé ní ahá mpím-dú (10,000) lɔsuná mli Kristo ɪwɪ asún kóráá á, ɔbakóle pé abí mliɣyí ɔhétó. Nɔbwɛ mli sí Kristo Yesu ɔ bréá nɛda asun wankláán ámu ɔkan súná mli. ¹⁶ Mú su nde mli kokóli, mlikasi mí tsiátó. ¹⁷ Inɪ su nde Timoteo wa sísí mli. Mí bí ní, ntɔdwé mu. Ɔbu ɔnɔkwali Kristo ɔ. Mu ɔbéba bekaín mli tsiátó oduá nɔpu mbuo Kristo, ndeɔsúná ɔpasua kugyíkɔvá ɪbu ɔtíneɣyíɔtíné ni.

¹⁸ Mlɪtɔ aku buɗe ɪwɪ tsu. Boki beɛ, fiaɪi mméetrá ba mli wá ɛkɛkɛkɛ. ¹⁹ Táme ní anɪ Wíe Yesu lɔtsulá á, ɪmɔɔwa ɔpá kuku néba mli wá beki beɛ, asún kɛkɛ ɪwɪ atsupú ánfɪ buɗeblí lóó, ntée lélé buɔbu Bulu túmi. ²⁰ Tsúfé meɣyí asun blíhé kɛkɛ Bulu iwíeɣyí ámu ɪgyi, mboún Bulu túmi. ²¹ Ní neba mli wá á, ntɔ mpúba? Mpú mli ba lóó, ntée ɔdwe móa ɪkɔn ɪwíihé?

5

Mbɔtɔ ɪwɪ Asún

¹ Bahíe bebláa mi beɛ, mlɪtɔ aku buɗe atsi móa ayin asún wa. Ɔmátɔfɔ kóráá buɔmɛɗé mú odu bwe. Mlɪtɔ ɔku mú kóráá laswíi mu si mu ka, ² ɪbu mli ansigyí! Ima mli awireho. Péli mɛɗé mli, méni mlégya ɔhá ánfɪ odu lé mli ɔpasuatɔ. ³ Iníá mliɔmɛɗé mí wúun ó á, mbu mlɪtɔ ɔhétó. Nahá ɔhá ánfɪ ɔbu tsiátó anfi odu ɪpón dododo, fé mbu inu. ⁴ Mlɪtɔ ɔpasua ámu fia anɪ Wíe Yesu Kristo dátó. Nétsiá mlɪtɔ ɔhétó, anɪ Wíe Yesu Kristo túmi é ɪbétsiá mlɪtɔ. ⁵ Inu á, mliɔpu mu wa Ɔbuɔnsám ɪbitɔ, oyinta mu ɔyulú, méni Bulu ɔbóho mu ɔkláa nkpa anɪ Wíe Yesu ɔbáke amu.

6 Kpaali mlidé iwí tsu. Mluméyín ání bodobodotu-afá kpalobí téhá bodobodo amu fée itotú? 7 Iní su mlile lalahé obwepú anfi mlitò, méni mli iwí bétin fè bodobodoá bumowa afá mótó, tsúfè alí mlihié mligyí ní. Megyí bodobodoá bumowa afá mótó, imotu butápogyí Katsón Nke? Bamó aní Israelfosu Katsón Nketò Okúfabi, ogyi Kristo amu, lé aní nwunsu mbusuo há aní dodoodo. 8 Mú su mliha apu bodobodoá imotu, igyi iwitín móa onokwaliwa gyi Katsón Nke ámu. Mlumáha apu bodobodoá ilatú, igyi tsiátó laláhe móa lakpan gyi mú.

9 Nòwanlín wá owóló kúá nòpusísí mlitò mbée, mli mápu mbua atápó gyi mba. 10 Megyí oyító mbua atápó, onsipe awapú, awikplu ntée ikpi atswépu iwí asón neblí. Múmó teki mlédali oyí ánfito asa mli mowa amó mba ní. 11 Tóá nòwanlín sí sí mli gyí, mli mápu ohá ání obée Okristoyin mogyi, táme otótó mbua ntée obu onsipe, ototswé ikpi, otesía mu aba, otóbó ntá ntée otowí ató gyi mba. Mli ohá ámu nyo mli máwa ibi gyi ató kóráá.

12 Ntò sù négyi ahá ání buma opasua ámutò asón? Megyí ahá ání bubu mótó, bude lakpan anfi odu bwe mboun asón lehián ání mlégyi? 13 Bulu obégyi ahá ámutó buma opasua ámutò ámu mú asón. Táme bòwanlín wá Bulu ason wanlínhé amutò beé, “Mli mú mligya lalahé obwepú le mlitò.”

6

Bulu Ahá Wolewle Nsiné Asóngyi

1 Ní mlitò oku mua mu ba Okristoyin benyá á, ntogyi sù mlitowá klun púya omátófó asón ogyíkpá, mli tamapú ya Bulu ahá abubli mú? 2 Mluméyín

ání Bulu ahá obégyi ɔyító ahá fée asón? Ní mli obégyi ɔyító ahá asón á, mú ntogyi só mliméetalí gyi mli wɔlɛwɔlɛ nsiné asón? ³ Ntée mliméyín ání aní obégyi Bulu-abɔpu é asón? Ntogyi só anuméetalí gyi ekekegyíeke asón mú? ⁴ Ní asón idá mli nsiné á, ntogyi só mliɔpóya ɔmátófo asón agyípu amóu mli ɔpasuafɔ butamabú ámu? ⁵ Nde asón ánfɔ wanlín sísí pósópa mli. Mú su ɔtiansipu ɔkɔlɛ kórará má mli ɔpasuatɔ ání ɔbétalí gyi mu aba nsiné asón? ⁶ Ntogyi só ohógyipu ɔbésamáa mu ba, múa idɔn kórará pú mu yélú ɔmátófo ansító?

⁷ Alí ámuú asón ibu mli Akristofɔ wɔlɛwɔlɛ nsiné ámu kórará ilosuná ání mlilagyi pón dodo. Ntogyi só mli bá ɔpó idá gyí mli, ntée osisi mli, mliméesikíé? ⁸ Mli mbóun latsɔn gyankpá mlidé mli aba sísí, mlidé lalahɛ pugyi mli aba? ⁹ Ntée mliméyín ání aha laláhe bumóowie Bulu iwíegyí ámuɔ? Mlimámlé mli iwɔ. Ahá ání butɔwá atsi múa ayin asón, ikpi atswépu, mbua atɔpó, ayin ání butekle amó aba ayin, ¹⁰ awikplu, ɔnsípe awapó, ntá abɔpó, ahá asiapó pú ahá asisípu buméenya ogyíkpá Bulu iwíegyí ámuɔ. ¹¹ Teki bré ámu a, alí mliɔ aku mligyí ní. Táme Bulu labie mli ntsu, alabwé mli mu ahá. Alatsɔn mu Ɔhɛ ámu pú aní Wíe Yesu Kristosu tsú mli ání mli asón da ɔkpa mu ansító.

Mli Ɔyɔlɔv Pɔwá Bulu Numnyam

¹² Mliɔ ɔku ɔbétalí blí ɔbéɛ, “Mbu ɔkpa bwé tótógyító.” Ee! Táme nde mli bláa mbéeɛ, “Megyí mú fée ɔbówa labi.” Ɔku é ɔbéblí ɔbéɛ, “Mbu ɔkpa bwé tótógyító, táme mméeha tɔtɔ méegyí misu.” ¹³ Ibu móttá ɔku ɔbétalí blí ɔbéɛ, “Atogyihe bu unv há ipu, ipu é bu unv há atogyihe.” Ee! Táme mú fée ibéhu

ekékú. Bulu móbwe nyankpɔsa há atsi móa ayin asón wa. Mboún aní Wíe bó aní ɔyólú, aní ɔyólú é bó aní Wíe. ¹⁴ Bulu lókɔsá aní Wíe Yesu tsú afúlitɔ. Ɖbɔpɔ mu túmi ámu kósá aní é.

¹⁵ Ntée mlímeyín mlíaa, mlí ɔyólú igyi Kristo nyankpɔsa-oyí ámu iwí ató? Mú nkáli só mpúu Kristo ɔyólú yeda obu-ɔnó otsiápú ɔyólú? Itsúun misu! ¹⁶ Ntée mlímeyín mlíaa, ní ɔku ɔpú ibi da obu-ɔnó otsiápú a, mva mɔnyɔ ɔyólú labwé kule? Tsúfé Bulu ason wanlínhé amu léblí ɔbéé, “Oyin ámu mva ɔtsi ámu babwé ɔyólú kule.” ¹⁷ Táme ní ɔku mva Kristo bɔbwé kule a, mva mɔnyɔ babwé ikule ɔhétó é.

¹⁸ Mlímápleí atsi ntée ayintɔ. Lakpan kugyíkúá ɔha tɔbwé tamakúsú líí mu ɔyólú. Táme ní ɔku ɔwá atsi móa ayin asón mú á, alabwé lakpan ání ɔlókúsú líí mu onutó ɔyólú. ¹⁹ Ntée mlímeyín mlíaa, mlí ɔyólú gyí Ɖhe Wankíhé amu ɔswékpa obu? Bulu lópɔ mu há mlí, otsie mlítɔ. Mú su megyí mlibú mlí iwí. ²⁰ Ibiá kpékplékpé Bulu lóhɔ mlí. Mú su mlípɔ mlí ɔyólú wa Bulu numnyam.

7

Akúlu Mva Aká, Akpankɔ Pó Asvrapɔ Atosundhé

¹ Nayó ason fitéhé amú mlílówanlín sísí mí ámɔtɔ kɪ a,

Ee! Ibv aláá oyin móɔpɔ ibi da ɔtsi. ² Táme mbɔatɔ ladubi su oyingíoyin onyá mu onutó ɔká, ɔtsigyíɔtsi é onya mu onutó okúlu. ³ Ilehían ání okúlu obégyi ɔkátsiá mbla féésú ha mu ka, ɔká é ɔbóbwe mú alí ha mu kulu. ⁴ Megyí ɔtsi bó mu iwí, mu kulu bó mu. Alí megyí oyin é bó mu iwí, mu ka bó mu ni. ⁵ Mú su mlímákiná aba ɔdikpa ha,

nkɛti mli abanyɔ ʔamu mlilatsulá ʔaní mlétsiá nke kpalobí, ménɛ mlétsiá bó mpái, asa mlélayɔ aba wá. Mlilawun aba mó ʔma, ménɛ ʔbunsám méetalí ʔo mli ki, ní mlimétalí kítá iwɛ.

⁶ ʔkpa ida ʔaní mlóbwe mó ali, táme megyí ʔhié igyi. ⁷ Mí nkule su mó ʔ, tekɛ mlétsiá kpanku fé mí, táme ʔhagyíɔha bu móá Bulu lópukíé mu. ʔmɔbwe anɛ féé kékéé. ʔhagyíɔha mua mu kle.

⁸ Séi nde akpanku móa asurapu bláa mbéé, ní bótsulá tsíá mí atsiábi a, tekɛ ibu alé. ⁹ Táme ní mliméetalí kítá iwɛ ntéé gyi mli iwɛsu mó ʔ, mlitsia akúlu móa aká, don ʔaní mlénatí dá tsɔn.

¹⁰ Táme akúlu móa aká awíe mó ʔ, mbla ku bu iwá megyí mí, mboún anɛ Wíe Yesu lówa há amó. ʔbéé, ʔká mákiná mu kulu. ¹¹ Táme ní ʔmáin mu kulusu a, ʔkíta iwɛ ntéé oyínki yɔ mu kulu wá. Okúlu é mákiná mu ka.

¹² Mli aha tráhe mó ʔ, mí onutó dé mli ínɛ bláa. Megyí anɛ Wíe Yesu dé mó blí. Ní ohógyipu yínhé tsíá ʔtsiá omegyí ohógyipu, táme ʔtsi ʔamu latsulá ʔaní mua munyɔ bétsiá ʔ, ʔmákiná mu. ¹³ Ní ohógyipu tsíhé é tsíá oyin ʔaní omegyí ohógyipu, táme alatsulá ʔaní mua munyɔ bétsiá ʔ, mu é ʔmákiná mu. ¹⁴ Tsúfé ohógyipu tsíhé ʔamu su Bulu ʔbóhɔ mu kulu. Ali kén ohógyipu yínhé ʔamu su Bulu ʔbóhɔ mu ka é ní. Ní megyí ali ʔ, Bulu móotsu amó abí ʔaní amó asón da ʔkpa mu ansító, táme ínɛ su Bulu latsú amó ʔaní amó asón da ʔkpa mu ansító. ¹⁵ Táme ní okúlu ntéé ʔká ʔaní omegyí ohógyipu dékléá obékiná mu tsiába ohógyipu a, ohógyipu amu osíi mu ʔnatɛ. Mbla koku meklí mu, tsúfé Bulu létɛ anɛ ʔbéé, abétsiá iwilwiitɔ. ¹⁶ Ohógyipu tsíhé,

fɔyin ní fú ɔbóhɔ fú kúlu nkpa? Ntée ohógyipu yínhé, fɔyin ní fú ɔbóhɔ fú ká nkpa?

Tsia Alá Fúgyi

¹⁷ Mú sɔ ɔhagyíɔha ɔpúv tɔ́a anɪ Wíe Yesu léha mu asa Bulu létɪ mu tsia. Múgyí tɔ́a ntebláa ɔpasua kugyíku ní. ¹⁸ Ní ɔku létɪn keté asa Bulu létɪ mu a, ɔmáláyínkí yébwε mú ɪwɪ tɔ́tɔ́tɔ́. Ní ɔku é méɪn keté asa Bulu létɪ mu é á, ɔmáyéɪn. ¹⁹ Ketéɪn ntée ketémáɪn megyí tɔ́tɔ́. Bulu mbla ámuvsu gyí mboun gyí asón. ²⁰ ɔhagyíɔha otsía alíá ogyi asa Bulu létɪ mu. ²¹ ɔkpábi fúgyi asa Bulu létɪ fú? Imáhan fu. Táme ní ɔkpa íbá ání fégyi ɪwɪ á, kvsu músú. ²² Tsúfé ní ɔkpábi fúgyi asa anɪ Wíe létɪ fú á, alahá fagyí ɪwɪ. Alí kén ɔhá ání otsie mu ɪwɪsɔ asa anɪ Wíe létɪ mu é gyí ɔkpábi séí há Kristo ni. ²³ Bulu lóhɔ mlɪ íbíá kpékpélékpée. Inɪ sɔ mlumábwe mlɪ ɪwɪ nkpábi há anyánkpúsa. ²⁴ Mí apíó, alíagyíalíá ɔhagyíɔha gyí asa Bulu létɪ mu a, ɔpúv mú alí tsia.

Mbitebí Múv Asvrapv

²⁵ Mlɪ mbitebíá mlímókútsía akúlu kí mú á, mma mbla kukúá itsú anɪ Wíe wá há mlɪ. Táme anɪ Wíe muv mu nwewúun, alahá mí nyánsa ání mlétalí hɔ mɪ gyi. ²⁶ Asón ání nde há mlɪ gyí, ɔyító lawá ɔnlɪn séí. Mú sɔ nahogyiá íbɔ aléá ɔhagyíɔha obétsiá alá otsie yaí. ²⁷ Ní fúvɔ ɔká á, mákiná mu. Ní kpanku fúgyi é á, mátepi tsía. ²⁸ Táme ní fetsiá ɔká á, fɔmákúbwé lakpan. Ní obitebíá ɔmókútsiá okúlu kí é otsiá a, ɔmókúbwé lakpan. Asɔn wunhéá íbéba tekɪ ndetsu kúsú akúlu múv akású. Mú sɔ nde ínɪ blí. ²⁹ Mí apíó, múv ndeblí gyí, bré itinbí ílasí. Inɪ sɔ tsú séí á, ɔhá ání ɔbɔ ɔká ɔbwée fé ɔhá ání ɔma. ³⁰ ɔsin ígyi o, ɔdwe ígyi o, ɪwɪnya ígyi o, ɔbwée ɪwɪ fé

asvansv medín mvsv. ³¹ Ahá ání bvde oyí ánfito ató pubwé tǫkv bomápv amú ansí fée dínká mósú. Tsúfé oyí ánfí pú mótó ató fée béba bǫtsvñ.

³² Mmedékléá asón iháan mli. Ohá ání ǫma ǫká tǫpú mv ansí dínká aní Wíe agyómású, méní obégyi mv ansí. ³³ Táme ǫká mv wie mú tǫpú ansí dínká oyító atósú, méní obégyi mv ka ansí. ³⁴ Mú sv mv agywun tǫbwé anyǫ. Alí kén ǫtsí kpankv é tesí mv iwí há aní Wíe, oyulúv múa ǫhétó fée, méní obégyi Bulu ansí ní. Táme okúlu mv wie mú tǫpú mv ansí dínká oyító atósú, méní obégyi mv kulu ansí.

³⁵ Mli yilé sv nde asón ánfí blí. Mmedé mli itin ka. Mboun ndekléá mliwbéé tǫá ida ǫkpa, amlísi mli iwí fée há aní Wíe Yesu.

³⁶ Ní oyin ǫfíté ǫtsísv, owun ání ǫméetalí kítá iwí, ǫtsí ámv é déklé ǫdan tsvñ a, oyékpain mv. Megyí lakpan igyi. ³⁷ Táme ní ǫlábwé agywun ání oméetsiá mv, ǫbétalí kítá iwí tsíá kpankv á, ǫbv ǫkpa bwé tǫá odeklé. Ní ǫbétalí kítá iwí á, múmó ǫkíta iwí. Ibv alé dvn. ³⁸ Ibv aléá obétsiá ǫká, táme ní ometepí tsíá a, ibv alé dvn.

³⁹ Mbla léklí ǫtsí ání oméekiná mv kulu yǫfvñ mv owuké. Táme ní oyin ámv owú á, ǫbv ǫkpa tsíá oyin ání odeklé. Táme ilehián ání ohá ámv ǫbóbwe Okristoyin. ⁴⁰ Mí nkole sv mú á, ní otsie kpankv á, ansí bégyi mv dvn. Nyin ání Bulu Ohé ámvú ibv mitǫ ámv sú natálí nde mli asón ánfí bláa.

8

Ǫkpito Atogyihe

¹ Mliha abli ǫkpito-ató gyí iwí asón ámvú mliúwanlín sísí mí ámv.

Mlɪdɛblɪ mlɪaa, “Anɪ fɛ́ɛ anɪyin asón.” Ibo mótó, táme mlɪbɪ ání asónbɪ tɛhá ɔha totsú iwɪ, ɔdwe é itɛhá ɔha tɛdan. ² Ní ɔku ɔbɛɛ, mɔyin asón dɔbɪ a, ɔmɔkónyá bí tóá idehián. ³ Ɔhá ání ɔtɔdwé Bulu á, Bulu é yin mɔ.

⁴ Mó sɔ nkáli anɪdɛblɪ tsú ɔkpɪtɔ ató gyí iwɪ? Anɪ fɛ́ɛ anɪyin ání ɔkpɪ mégyí tɔtɔtɔ. Anɪyin ání Bulu ɔkɔlɛ pé é bɔ inɔ, ɔkɔku trá ɔma ɔtɪnɛtɪnɛ. ⁵ Iníá ikpɪ móa túmɪ tsɔtsɔtsɔ bɔbɔ ɔsú móa asɪ ó á, ⁶ anɪ mó anɪyin ání Bulu ɔkɔlɛ pé bɔ inɔ. Mɔgyí anɪ Sí, ɔsú móa asɪ Ɔbwepó. Mɔ anɪtsie nkpa há. Anɪ Wíe ɔkɔlɛ pé é bɔ inɔ. Mɔgyí Yesu Kristo. Mɔsɔ Bulu lótsɔn bwe tógyító. Mɔ kén sɔ anɪtsie nkpa ní.

⁷ Táme megyí Akristofō fɛ́ɛ yín alɪ asón ání. Ikpɪsúm lamántá amó dodo. Inɪ sɔ ní begyi ɔkpɪtɔ-ató á, bɔdɛ mó tsu ání basúm ɔkpɪ ámɔ nɪ. Mó sɔ ifin lada amó, tsúfɛ bɔmɔkódan hógyitɔ. ⁸ Megyí tóá anɪtegyi só anɪa Bulunyo nsɪné bówa alé. Ntɔ anɪlégyí o, ntɔ anɪmégyí o, tɔtɔ meyintá anɪ iwɪ.

⁹ Táme mlɪkɪ wankláán ání ɔkpa ání mlɪbɔ gyi ɔkpɪtɔ-ató ání iméɛha ɔhá ání ɔmɔkódan hógyitɔ ɔméɛdɪda. ¹⁰ Ní ɔhá ání ɔmɔkódan hógyitɔ owun fú ání fɛɛ fuyin asón, fɔdɛ ató gyí ɔkpɪtɔ á, ibɔ alé? Mómó yéɛ fɔdɛ mɔ atɛtɔ-ɔnlɪn wa fɛɛ, ogyíi ɔkpɪtɔ ató ání mɔ onutó oyin ání ima alɛ anfi ní o. ¹¹ Mómó fapó fú asónbɪ mlé fú píó wá. Fahá fú píó ání ɔmɔkódan hógyitɔ, Kristo lówu há mɔ anfi lafwí. ¹² Ní fɔpó ilá gyi fú píó Okristoyin ání ɔmɔkódan hógyitɔ, fɛhá mɔ ɔbwé tóá oyin ání ima alɛ á, Kristo fapó ilá gyi a. ¹³ Mó sɔ ní tóá négyi ibéha mí píó Okristoyin ɔbóbwe lakpan á, mméetepí trá gyi iye ɛkɛkɛkɛ, ménɪ iméɛha mɔ ɔdɪda.

9

Sumbi ɔyɔpɔ Tumi Pɔ Mv Gyumagyihɛ

¹ Mliki mlihaa mmetsie mí iwɪsɔ? Ntée megyí sumbí ɔyɔpɔ ngyi? Mmɔkówwun anɪ Wíe Yesu kí? Megyí mí gyumagyihɛ sɔ mlɪlamlí anɪ Wíe klé ndɛ?

² Ní mmegyí sumbí ɔyɔpɔ há akɔ á, mli mó mliyin ání sumbí ɔyɔpɔ ngyi. Tsúfɛ́ ínɪá mli gyí Akristofɔ á, ilegyi adánsɛ́e ání anɪ Wíe sumbí ɔyɔpɔ ngyi.

³ Inɪ gyí tɔ́a ntɔpólé mí iwɪ ɔnɔ́ súná ahá ání butélé mí ilá ní. ⁴ Mía Barnaba mó animágyi ató, nu ntsu? ⁵ Animá ɔkpa tsía ohógyipɔ, kpá mv buo iwɪ, fé sumbí ayɔpɔ atráhe amv pú anɪ Wíe apíó móa Petro aná? ⁶ Ntée mía Barnabanyɔ mó ayɔ́o agyómá kí anɪ iwɪsɔ? ⁷ Isá ɔkɔpɔ onutó téká iwɪ ikɔ? Ekɛkɛkɛ! ɔ́dɔtɔpɔ ɔmɔmv tamagyi mv ndɔtɔ-ató? Mbwɪ ɔyaípɔ ɔmɔmv tamagyi mv ɔbwɪ yáíhé?

⁸ Anyánkɔ́pɔsa agywun ndɛpublí ínɪ? Yéɛ Mose Mbla óó ileblí alɪ á? ⁹ Tsúfɛ́ bɔwanlín wá Mose Mbla ámɔtɔ bɛɛ, “Butamawá ɔnantswieá ɔde ayó da ɔnɔ́ ikan.”* Fahogyi fɛɛ nnantswie iwɪ dé Bulu hián sɔ ɔleblí asón ání? ¹⁰ Megyí anɪ sɔ ɔde asón ání blí? Anɪ sɔ ɔde mú blí a. Bɔwanlín wá Bulu asón ámɔtɔ bɛɛ, “Ifilé ɔwɔpɔ mvɔa ató ɔkpɔtípɔ fɛ́é bɔgyo tɔ́a bénya tsú agyómá ámúú bayó ámɔtɔ.” ¹¹ Ní anɪ labláa mli asɔn wankláán ámv, igyi ɔ́hétó abíá anɪladú wá mlɪtɔ á, anɪ mó animá ɔkpa nyá anɪ ɔyítɔ atohiánhe tsú mli wá? ¹² Ní akɔ bɔbɔ ɔkpa nyá ató tsú mli wá á, animá ɔkpa dɔn amó?

Támɛ animótsu kɔkɔ lé ínɪtɔ. Anɪlapó klɔntɔ pisii hɔ tógyító, ménɪ animóɔpɔ tɔtɔtɔ tin Kristo asɔn

* **9:9** Deut. 25:4. Kɪ atɔ táanheá bu ifɔn XXX, (1 Ti. 5:18). Mó asɪ gyí, “Butamalé ɔkwén pú ibɪ tsítisi ɔsulɔtɔ.”

wankláán ámu ɔkpa. ¹³ Mliméyín mliaa, Bulu ɔtswékpa ɪnu agyómá ayɔpó é buɔbu ogyíkpa ɪnu? Ntéé mliméyín ání afɔdiε-asubwi amu asɪ asúmpó buɔtegyi mó asɪ ató? ¹⁴ Alɪ kén anɪ Wíε léhiε ání mu asun wankláán ámu ɔkan adapó é buɔgyi ató tsu ahá ání buɔε labi nya tsú asún ámuɔ wá ní.

¹⁵ Táme mí mó mmákópú alɪ ɔkpa áñfi mbu anfi nyá tɔtɔ tsú mli wá. Megyí beε ndekléá néfi mó asɪ, sɔ nde asún áñfi wanlín sísí mli. Iɔu mí aléá nówu, duɔn ání nóhulú itó áñfi nópuɔsú ɪwi áñfi. ¹⁶ Táme ní nde asun wankláán ámu ɔkan da a, imegyí tɔá nópuɔsú ɪwi. Tsúfé ɔhié igyi há mí. Bulu ɔbébití mí ɪsu ní mmeda mó ɔkan. ¹⁷ Ní mí onutó lébli mbéε nóbwe mó á, teki Bulu ɔbéda mí ɪpán. Táme megyí mí onutó apétó nde mó bwe. ɔkpábi ngyi, Bulu lóbu mí ɔnɔkwaliɔu pó agyómá áñfi wá mí ibiɔ. ¹⁸ Ikɔká mɔmu nénya tsú mótoŋya? Mógyí néda asun wankláán ámu ɔkan, buméεka mí tɔtɔ. Teki mbu ɔkpa pókɔle tɔku há mí ɪwi, táme mmóɔbwe mó alɪ.

¹⁹ Ntsie mí ɪwiɪsu. Mma ɔhaa asɪ, táme nabwé ɪwi ɔkpábi há ɔhagyíɔha, ménɪ nékpa ahá tsɔtsɔɔtsɔ ba Kristo. ²⁰ Ntɔbwé ɪwi fé Yudayin ní mbu Yudafɔtɔ, ménɪ nétalí nyá Yudafɔ ámu. Mma Mose mbɔla asɪ, táme ntɔbwé ɪwi fé ahá ání buɔbu mó asɪ, ménɪ nétalí nyá amótó aku. ²¹ Alɪ kén ní mía ɔmátóɔá buɔma Mose mbɔla asɪ aniná á, ntɔbwé ɪwi fé amó, ménɪ nétalí kpá amó ba Kristo ni. Inɪ medésuná ání mma Bulu mbɔla ámu asɪ, tsúfé ntobú Kristo mbɔla ámu. ²² Ntɔbwé ɪwi fé ahá ání amó hógyi ɔnó ma ɔnlɔn, ménɪ nétalí há amó bédan Kristoto. Ntedamlí ɪwi ɔkpa ɔtsan-ɔtsansu há ahá féé, ménɪ nétalí kpá amótó aku ba Kristo.

²³ Asun wankláán ámu sù ntàbwé ìní fée, ménì mí é nénya ogyíkpa mótó. ²⁴ Mlikain ání ní ahá busrí a, okugyíáku tẹyírì ɪwì, táme òbakóle tégyi ɪsù, butekíé mu ató? Mli é mliyiri ɪwì srì, ménì mlégyi ɪsù, békìe mli ató. ²⁵ Ɔsrí otsíípú okugyíáku tekítá ɪwì, ménì òbésrí pòhò ɪdá ání ɪtamatsiá yó. Táme anì mó anidé ìní bwè, ménì abòhò ɪdá ání ɪmòòfwì ekekèkè. ²⁶ Ɔnì sù megyí kpaali nsrí. Mí ansí òn tókusu. Ntamatswì atswè wá afútó. ²⁷ Ntesen ansító, bwé mí ɪwì òkpábi, ménì ní nedá asún ámu òkan súná ahá ta á, Bulu méebláa mì òbé, nabwé tsítsá.

10

Ɔkpisúm Ɔwì Ɔláda

¹ Mí apió, ndekléá mlíbú tásá Bulu lóbwe há anì anáin amù fée bímbí ámu. Ɔleha agyinde lobun amó féesú, òleha òpu pèpè bunkpato lése, òlekpa amó fée tsun òpu amutò. ² Bulu lópu agyinde móa òpu amù bó amó fée asú, púsúná ání bugyi Mose abúopu. ³ Amó fée begyi òjétó atogyihe oloku òkule amù. ⁴ Bonu òjétó ntsu oloku òkule amù tsú butá amóú òlekpa amó ámutò. Kristo gyí butá ámu ni. ⁵ Táme ìní fée òma a, Bulu ansí megyi amó òdòdò ɪwì, òlehi amó òimbí ámusu ɪnu.

⁶ Ntóbí ánfì òleba amósú ánfì fée igyi atosuanhe há anì, ménì amó lalahè amù odu bwè méeònká anì òwólì, ⁷ ánimóosúm ɪkpi é fé amó. Tsúfè Bulu asun wanlínhé amù òleblí òbé, “Ahá ámu betsiá asì gyí ató, nu ntá, kósú kóm.” ⁸ Mlimáwa atsi móa ayin asún fé alá amótó aku bóbwe, òleha amótó mpím adwanyò-sa (23,000) benya lowu ekewóle. ⁹ Mlimáha asò Kristo kí fé alá amóú amótó aku bóbwe, awò bodundun amó mó ámu. ¹⁰ Mlimále

Bulu alá fé alá amótó aku bəbwe, Bulu lópu əbəpu sísí, əlbəmə amó.

¹¹ Ntobí ánfí íleba amósó fée igyi atosuanhe há aní. Bəwanlín mó tswí, pódá aní ahá ánfí əyí ənóməbí lató aní ánfí əlá.

¹² Mó sv ní fúkí fée fulí kinkíinkín Kristo hógyitə á, kí wankláán, méní fvméedida. ¹³ Bí ání fú isókí amv mətsən ətsan há aha tráhe klé. Ənəkwalıpu Bulu gyí. Əméeha isókíá idən fv iba fvsv. Táme ní fowíé isókítə á, Bulu obósuná fú əkpa ání fətsən mósó táli líí mó ənó, méní fédalí mótó.

¹⁴ Mó sv apíó adwepó, mlímáwa iwí ikpísumtó ekekekeke. ¹⁵ Atiansıpu mligyí. Mó sv mli onutó mliyə asón ánfítə amlíkí. ¹⁶ Ní adá Bulu ipán, anu aní Wíe Yesu əpónúbası ewe ámutə ntá á, imosuná ání ania Kristo obugya labwé kule? Ní abíá bodobodo amv é ye aba á, mó é imosuná ání ania mv əyulúv labwé kule? ¹⁷ Iníá aní tsó ó á, bodobodo ipin kule anitegyi. Mó sv aní fée anılabwé əyulúv kule fé bodobodo ipín ámv.

¹⁸ Mlıpəki Israelfə, megyí ahá ámúv btegyi afədiə-ató ámv tóbwé kule afədiə ámv bətó? ¹⁹ Mó sv nkáli mí asón ánfí desuná? Blí ndeblí mbée, ikpí ntée atogyihe amúv bapúhá amó igyí amv ıbu labı? ²⁰ Ekekekeke! Tóá ndeblí gyí, ní akpıpó bəhá ikpí igyí a, əhe laláhe bəpvhá, megyí Bulu. Mó sv mmedékléá mlıa əhe laláhe mlóbwe kule.

²¹ Mlıméetalí pó anı Wíe ewe tin ənó, láyópu əhe laláhe ewe é tin ənó. Mlıa Kristo mlıméetalí wá ıbı gyi ató, mlıa əhe laláhe é amlıwa ıbı gyi ató. ²² Ní abwé mó alı á, anımóəwa Bulu əbló fé Israelfə? Ntée anıkíá anıbv əwənlín dən Bulu?

²³ Ahá bteblí bəe, “Anıbv əkpa bwé tógyító.” ıbv mótó alı, táme megyí mó fée bv labı. Fvdeblí fəe,

“Ani bu ɔkpa bwé tógyító.” Táme megyí mú fée tóbúa ani. ²⁴ Mlumáki mli nkɔle klé, mboun mliki mli aba é klé.

²⁵ Tóá mli bwée gyí, mli wí ibiásó iye kugyíko. Mlumáfité mú iwí asvansu, mli klɔn é imáha mli pón.

²⁶ Tsúfé bɔwanlín wá Bulu asún ámɔtɔ beɛ, “Bulu bú ɔyí móa mótó ató fée.”

²⁷ Ní ɔmátóyín ɔtí fú ató ogyíkpa, iletsiá fú á, fayó.

Táme ní fɔyó á, máfité mú iwí asvansu, fú klɔn é imáha fú ipón. ²⁸ Táme ní ɔku ɔbláa fu ɔbéɛ, “Ɔkɔtɔ-ató igyi” á, alíá iméehan ɔhá ámu su mágyi ató ámu.

²⁹ Megyí alíá ibéhan fu su, mboun ɔhá ámu su. Móbú ntogyi sù tóá ɔku désusúu ibétin mí iwígyí ɔkpa?

³⁰ Ní ntɛdá Bulu ipán atogyihesu asa ntegyi mú á, ntogyi sù ɔku ɔbéle mí ilá ató ámu su?

³¹ Mó su ní fɔdegyí o, fɔdenúu o, bwé mú fée puwa Bulu numnyam. ³² Mlumáha mli tsiátó itin Yudafo pú Griikifo ntée Bulu ɔpasua ámu Kristo wá ba ɔkpa. ³³ Ntamakle mí nkɔle yilé. Tógyítóá ntɔbwé á, ntɔbó mbódí ání néha ahá ansí bégyi amó, méni Kristo ɔbóhɔ amó nkpa.

11

¹ Mlikasi mí tsiátó, fé alíá mí é nekasi Kristo klé.

Alíá Atsi Bópvtisiá Ɔpasuato

² Mí apíó, ntékánfó mli, tsúfé mli ansí din mísó. Mli débwé dínká Kristo atosunáhé amób nɔpɔhá mli ámu su. ³ Táme ndekléá mlinúu mú asi ání oyingyíoyin bu Kristo asi, ɔtsigyíɔtsi bu oyin asi, fé alíá Kristo é bu Bulu asi. ⁴ Iní su oyingyíoyin ání obun ató nwun asa ɔde mpái bɔ ntée ɔde asún ání Bulu lapówá mú ɔnó blí méde Kristo bu. ⁵ Táme ɔtsigyíɔtsiá ɔmeklí nwun asa ɔde mpái bɔ ntée ɔde

asón ání Bulu lapówá mu ònó blí é médé mu kulu bu. Igyi fé alakpá nwun. ⁶ Ní òmòòpù ató klí nwun á, múmó òkpáa mó. Táme ní òtsi òkpá nwun, ìbù mu péli a, òpù ató klí mósó. ⁷ Bulu lóbwe oyin fé mu ìwí, pówá mu ìwí numnyam. Mó sù mehián ání òbòpù ató bun nwun asa obósum Bulu. Táme òtsi mó á, Bulu lóbwe mu pówá oyin numnyam. ⁸ Tsúfé oyin médalì tsu òtsitò, òtsi mboún lédalì tsú oyintò. ⁹ Megyí òtsi sù Bulu lópwe oyin, mboún oyin sù òlòpwe òtsi. ¹⁰ Inì sù ilehián ání òtsi òbéklí nwun, pòsúná ání òbù túmi asi, tsúfé Bulu-abòpù bùde mu kí. ¹¹ Iníá ania Kristonyò anìlabwé kùle sù á, òtsi léhián oyin, oyin é léhián òtsi. ¹² Tsúfé alì ámù òtsi gyankpapù lédalì tsu oyintò ámu a, alì kén òtsi é lókwí oyin ní. Táme Bulu lóbwe tógýtó.

¹³ Mlì onutó mliyò asón ánfìtò amlíkì. Ìbù aléá òtsi méeklì nwun asa òbòbò mpáí há Bulu? ¹⁴ Fé alá Bulu léle òyító á, ìma alá oyin obési mu imi ìbòwa ìswí fé òtsi klé. ¹⁵ Imi tíntín igyi numnyam há òtsi, tsúfé Bulu lópù mó há mu fé nwun-abúntò. ¹⁶ Táme ní òkù dé mó ìwí nwéen gyí a, asón ání mbù blí gyí, mmotsulá dínká kòkòsù dùn ìnì. Alì kén Bulu òpasua atráhe féé bùmotsulá dínká mósó ní.

Òpónvasiyò

(Mateo 26:26-29; Marko 14:22-25; Luka 22:14-20)

¹⁷ Mméekanfó mlì asón ánfì nebá bebláa mlì ánfì mótó. Tsúfé yilé kòkò tamadálì tsu mlì ifiatò. Lalahè kóún ìtètí há mlì. ¹⁸ Gyankpapù a, babláa mì beè mlìtamabwé kùle ní òpasua ámu befia. Nahogyi ání asón ánfì kò bù mótó. ¹⁹ Lélé mó á, ilehián ání nwéengyí bétsiá mlìtò, ménì mlówun ònòkwahá

ibu mótó. ²⁰ Táme beblí beε, ní mlefia a, megyí ṣpónúasíyṣ su mlitefia. ²¹ Tsúfé mlitamagyo aba. Aku butegyi amó ató, butamahá aba. Mó su aku butonu bu, aku é butsie akón. ²² Mli onutó mlimá wóyíá mlitegyi ató, nu ntá mótó? Ntée mlidékléá mlíṣpáa Bulu ṣpasua ámu, amlíwa ahiánfṣ ámu pélítṣ? Amansu mbli tsu íni iwí? Nkánfṣ mli? Inítṣ mó á, εκεκεεκε, mméεkanfó mli!

²³ Tsúfé tṣá nosuán tsu aní Wíε wá kén ndε mli bláa a. Aní Wíε Yesu léε bodobodo ipín onyé ámóú beε mu há ámu, ²⁴ ṣleda Bulu ipán, bíábía mótó, blí ṣbéε, “Mí ṣyúlṣá ndεpvhá mli ní. Mlitsia bwe íni pṣkain mísú.” ²⁵ Alí kén atogyihε amu ṣma a, olotsu ntá-εwe ámu, blí ṣbéε, “Ntá-εwe ánfí gyí mí obugya ání Bulu dépṣsí ntam pṣpwe amóú ibu mlia mṣnyṣ nsiné ámṣṣ ní. Brégyíbréá mlónu mó á, mlinu mó pṣkain mísú.”

²⁶ Tsúfé brégyíbréá mlidé bodobodo anfi gyí, nu ntá tsú εwe ánfítṣ á, mlidé aní Wíε lowu ámu ṣkan da kpéfṣn bréá obéyinkí bá. ²⁷ Mó su ṣhá ání obégyi alí bodobodo anfi, nu ntá tsú aní Wíε εwe ánfítṣ mábú ṣkpasu á, alagyi aní Wíε ṣyúlṣu pṣ mu obugya amu iwí pón. ²⁸ Iní su ilehián ání mlýṣ mli nwuntṣ wankláán, asa mlégyi bodobodo anfi, nu ntá-εwe ánfítṣ. ²⁹ Tsúfé ní mlimóbu aní Wíε Kristo ṣyúlṣu, mlilégyí bodobodo amu, nu ntá ámu é dínká ifinsu á, Bulu ṣbéha mli ipón mó su. ³⁰ Mó sṣ mlítṣ ahá tsṣtsṣtsṣ bapṣn, aku buṣelṣ, aku mó kóráá bawú ní. ³¹ Ní anitṣyṣ aní nwuntṣ wankláán asa a, tekí Bulu méεha aní pón. ³² Táme ní aní Wíε ṣlé aní ilá, bíti aní isu á, ṣméεha ania ṣyítṣ ahá fṣé ipón kule.

³³ Iní su mí apíó, ní mleyéfia ṣpónó ámu así á, mlitsia gyo aba. ³⁴ Ní akón de ṣku á, ogyíi ató tsu

wóyítō asa ðba, ménì mli ifia amv iméeti isvbití há mli. Mí onutó néba bebláa mli tóá mlibwée tsu asvñ tráhe amv iwí.

12

Ἦε Wankíhé Atokiehé

¹ Séi á, apió, ndekléá néle Ἦε Wankíhé atokiehé asvñ amó así wankláán súná mli.

² Mliyin ání bréá mligyí ðmátófō á, bosuná mli asunakpan, ðeha mliðýō mliðé ikpiá bvtamatóí sum. ³ Mú sv ndekléá mlibíi múá itsú Bulu wá. Ḑhagyíðha ání ððepv Ἦε Wankíhé tóí méetalí lwíi aní Wíe Yesu. Ḑhá ání Ἦε Wankíhé dé mv kpa nkole ðbétalí blí ðbéε, “Yesu gyí mí Wíe.”

⁴ Bulu atokiehé ðtsan-ðtsan bv inu, táme Ἦε Wankíhé amv kén teye mú féé. ⁵ Bulusúm agyómá igyi ðtsan-ðtsan, táme aní Wíe amv kén aní féé anidésu. ⁶ Ḑkpa ðtsan-ðtsansv Bulu tàyó agyómá tsvñ anísv, táme Bulu ámv kén dé mú féé bwe tsvñ aní féésú. ⁷ Bulu telé mv Ḑhé ámv ðwan tsvñ ðkpa ðkvsv anítō okugyíðkvto, ménì abópvkpá aba. ⁸ Ἦε Wankíhé tēhá ðkv tōpú nyánsa tóí kplá ahá, ðtēhá ðkv é tēbí asvñ. ⁹ Ḑtēhá ðkv tēhíé hō Bulu gyi, ðtēhá ðkv é tētsá ahá ðō. ¹⁰ Ἦε Wankíhé amv kén tēhá ðkv túmi ðtōpúbwé ofúla, ðtēhá ðkv é tēblí asvñ ání Bulu lópōwá mv ðnó. Ḑtēhá ðkv tetálí bí ðhēá itsú Bulu wá pú múá itsú ðhe laláhe wá. Ḑtēhá ðkv tēblí ðblíi bámbá, ðkv é tonú mú así. ¹¹ Ἦε Wankíhé amv nkole tóbwé ínì féé, oteye atokiehé ánfì há ðhagyíðha alíá odeklé.

Ḑpasua Amv Igyi Nyankpvasa-oyí Ḑkve

¹² Nyankpvasa-oyí iwí ató itsō, táme mú féé lóbwε nyankpvasa amv. Alí kén igyi Kristo é ní. Mv ðpasua

ámu gyí mu nyankpɔsa-oyí ámu ni. ¹³ Anitɔ aku anigyí Yudafo, aku Griikifo, aku nkɔpabi ntée adíhiε, táme bɔpu Ɔhe Wankíhé amu bó aní fée asú wá Kristo ɔyulúv kule amutɔ, Bulu lópu Ɔhé ámu kén núná aní fée.

¹⁴ Táme mégyí toku kule lóbwe nyankpɔsa-oyí ámu, mboun iwí ató ɔtsan-ɔtsan. ¹⁵ Ní yabi ɔblí ɔbéε, “Mma nyankpɔsa-oyí ámu iwí, tsúfé megyí ibi ngyi” á, ilosuná ání megyí nyankpɔsa-oyí ámu iwí ató ogyi? ¹⁶ Ní isv é ɔblí ɔbéε, “Mma nyankpɔsa-oyí ámu iwí, tsúfé megyí nsibi ngyi” á, ilosuná ání megyí nyankpɔsa-oyí ámu iwí ató ogyi? ¹⁷ Ní nsibi nkule gyí nyankpɔsa-oyí ámu fée á, nkáli ɔbóbwe obónu asón? Ntée ní isv nkule gyí nyankpɔsa-oyí ámu fée á, nkáli ɔbóhɔ ató afú? ¹⁸ Táme Bulu lópu iwí ató tsɔtsɔɔtsɔ bwé nyankpɔsa-oyí ámu, ɔɔpu kugyíku yi ɔtínéá odeklé. ¹⁹ Ní iwí ntobí ámu igyi toku kule a, nkáli nyankpɔsa-oyí ámu ibóbwe? ²⁰ Iwí ntobí ámu itso mú, táme mú fée lóbwe nyankpɔsa-oyí amu ni.

²¹ Mú sv nsibi méetalí bláa ibi ɔbéε, “Fuma labi há mí!” ekekekeke. Nwun é méetalí bláa yabi ɔbéε, “Fuma labi há mí!” ²² Ní akí a, iwí ató ámúú anidékí aníaa ilɔpɔn amu iwí téhian ni. ²³ Mú ámúú anidékíá obú ima músú ámu anitobú don ni. Ɔtíné ámúú anitamakléá ahá bɔwúun amu é anitɔpó ató tin ni. ²⁴ Táme anitamapó ató tin aní iwí ntobí ámúú ibu akíε amu. Bulu lóbwe aní iwí ató ámu alí, méní abóbu mú ámúú ima numnyam amu, kí músú wankláán. ²⁵ Fówun ikulebwe bétsiá amútó, méní gyɔpi okpítá bina a, bina é lakpítá gyɔpi. ²⁶ Ní nyankpɔsa-oyí ámu iwí tɔku dé ɔsun wúun a, nyankpɔsa-oyí ámu fée towun mú. Ní bekánfó mótó

ku é á, ansí tegyi nyankpɔsa amɔ.

²⁷ Yoo, ayó nkpa. Kristo ɔyɔlɔv kuɛ amɔ mli fée mligyí. Mligyí mu ɔpasua ámu ni. Mlito okugyíɔku gyí mu nyankpɔsa-oyí ámu iwɪ tɔku. ²⁸ Bulu léhuhíe íni fée wá mu ɔpasua ámɔtɔ. Gyankpapu, sumbí ayɔpú. Nyɔɔsi, Bulu ɔnósó atɔípú, saasi, ató asunápú. Mú ɔma a, ofúla abwepú. Amóá buɔbu ɪɔtsá túmi, buale agyípú, ahande pú ɔblí bambá ablípú. ²⁹ Amó fée gyí sumbí ayɔpú? Ekekeke! Amó fée gyí Bulu ɔnósó atɔípú, ntée ató asunápú, ntée ofúla abwepú? Iméeba mótó alí! ³⁰ Amó fée bu ɪɔtsá atokiehé? Amó fée téblí ɔblí bambá, ntée amó fée tetálí nú ɔblí bambá ámu asi? ³¹ Mliɔ mbódí amlidunka atokiehé ámɔtɔ múbá idehián dun.

Nélasúná mli ɔkpa ání idɔn íni tsía mótó.

13

ɔdwe

¹ Ní ntetálí blí anyánpɔsa pú Bulu-abɔpu ɔblí fée, táme ntamadwé mí aba á, ngyi fé ɔkan ntée gbémgbléín ání buɔe mó da, ɪdelín kúklókúú. ² Ní mbu Bulu ɔnó asónblí, Bulu asɔn ɳaínhé bi pú hógyi kpɔnkpɔntiá ntetálí púpúlí abu, táme mma mí bá iwɪ ɔdwe á, múmú mma labi kuku. ³ Ní nɔpú mí ató fée kíe ahiánfɔ, nɔpú mí iwɪ há mbée buwáa mí ogyá, táme mma mí bá iwɪ ɔdwe á, mma labi há ɔhaa.

⁴ Ahá ɔdwe pú tenyá iklɔn, ɔbu awɪtɔle. ɔma olu, ɔtamaká ɔnótó, ɔtamatsú iwɪ. ⁵ Otobú ató, ɔma ɔnsípe. ɔtamakósí nyá ɔbló, ɔtamahɔ asún wá iwɪtɔ. ⁶ ɔtamatsúlá asukpan, ɔnɔkwali otobuo. ⁷ Otenyá klɔn há tógyító, ɔtɔhɔ asúnsú gyi. Mu ansí tɛdínká asúnsú, ototomi é.

⁸ Ɔdwe mɔ itamatá, táme Bulu ɔnɔ asónblí bómɔ ɔnɔ. Ɔblí bambá blí béka itin, asónbɛ é ɛbéba bɔtsun. ⁹ Tsúfé anımókónyá bí tógyító tá, anımókónyá blí Bulu ɔnɔ asón é yi. ¹⁰ Táme ɔhétó atokiehé ánfɛ fée ımɔfɔn. Ní mɔá ɛfɔn yi ɛbá á, ɛnɛ fée bɔfwɛ.

¹¹ Igyi fé ɛnɛ. Bréá ngyi kebi á, nɔtɔí fé kebi. Mí atɔ bwehé pɔ mí asun susúhe fée ɔbwe fé kebi. Táme séi ánfɛ nadan a, nasí nyebitɔ bwehé ámɔ fée bwe. ¹² Séi á, anıdé ató kú fulaa fé ogyásıtɔ anıdé mɔ kú. Bré ıku béba a, abówun mɔ wankláán. Séi á, anı atóbɛ mɔfɔn. Ɔma a, abéba bebɛ mɔ fé alıá Bulu yin anı.

¹³ Ɔnɔkwalı a, atoku asa ánfɛ obétsıá ní. Hógyi, ɔkpakú pɔ ɔdwe, táme ɔdwe dɔn mɔ fée.

14

Ɔhe Wankiehé Atokiehé Bambá

¹ Mlıdunka ɔdwe ɔkpa, amlıdunka ɔhétó atokiehé é. Mɔá ɛdɔn a, Bulu ɔnɔ asónblí. ² Tsúfé ní ɔku dé ɔblí bambá blí á, megyí anyánkpɔsa ɔdebláa, Bulu ɔdebláa. Ɔhaa tamanú mɔ asi, tsúfé mɔ ɔhé dé asun ɛaínhé blí. ³ Táme ɔhá ání ɔde Bulu ɔnɔ asón blí mɔ á, ahá ɔdebláa, ɔdepuvúa amó abɔdan hógyıtɔ. Ɔdepuwá amó ɔwɔnlín, ɔdepułwíí amó ıklɔn é. ⁴ Ɔhá ání ɔde ɔblí bambá blí nkɔle ténýá ɔwɔnlín Bulusúmtó. Táme ɔhá ání ɔde Bulu ɔnɔ asón blí mɔ tɔwá ɔpasua ámɔ ɔwɔnlín.

⁵ Tekı ndekléá mlı fée mléblí ɔblí bambá, táme ní mlıdé Bulu ɔnɔ asón blí á, ɛbɔ mı alé dɔn. Tsúfé Bulu ɔnɔsú ɔtɔıpó dɔn ɔblí bambá ɔblıpó. Nkétı ní ɔblí bambá ɔblıpó ámɔ tetálı lé mɔ asi, ménı ɔpasua ámɔ bénya tɔku tsú mótó. ⁶ Mı apıó, ní naba mlı wá séi bebłı ɔblí bambá kv, mmele mɔ asi á, labı mɔmɔ

ibówa há mli? Táme ní neblí asón, nehá mlébi asón, ntée neblí asón lesúnáhé kv, ntée neblí Bulu ónó asón kv, ntée súná mli ató á, ibówa labi há mli dvn.

⁷ Mlipoki itóá fedá mú itotsúlá, fé ikwe, óténte ntée okpe aná. Ní fvméda mú itsula wankláán á, bvtamanú mú asi. ⁸ Ní klunsi ódapó mébi dá mú á, óhaa tamanú mú asi, dídá ató yó isá. ⁹ Alí kén ní mlidé óblí aní óhaa méde mótó nu blí á, mlidétoí wá afútó ní. ¹⁰ Óblí tsotsótsó bu óyító. Kugyíku ídofon, íbu mú ablípó anulé. ¹¹ Táme ní oku dé óblí kv blí, mí é mmedé mótó nu á, ntamanú mv asi, mv é ótamanú mí asi. ¹² Mú sv íniá mlihié mlidé Óhe Wankíhé atokiehé ámv dunká á, mlikoli múá ibówa ópasua ámv ówónlín.

¹³ Iní sv óhá aní óteblí óblí bámbá okóli Bulu mú asinu, méní óbétalí íe mú asi súná mú anupó. ¹⁴ Tsúfé ní ndepu óblí bámbá bó mpái á, mí óhé dé mú bó, táme mmedé asón aní ndeblí asi nu. ¹⁵ Nkálí mme nóbwé? Nóbó mpái óhéto bré kvto, pú mí agywun é bó mú bré bámbátó. Alí kén nówa ív óhéto, pú mí agywun wá mú bré kvto é ní. ¹⁶ Tsúfé ní fúde Bulu kanfó óhéto pé á, nkálí íbóbwé óhá aní ómedé mú asi nu óbétsa fú? Nkálí bétsa fú Bulu ípán da ní bvméde asón aní fúdeblí asi nu? ¹⁷ Fíalí fúde Bulu ípán da wankláán, táme ítamawá fú bá ówónlín.

¹⁸ Nedá Bulu ípán aní nteblí óblí bambá dvn mlíto okugyíokv. ¹⁹ Táme ní afia a, ntekleá néblí asón anu pé aní óhagyíóha obónu mú asi, íbóbvá amó é dón aní néblí asón mpím-dú (10,000) óblí bámbátó aní óhaa mónu mú asi.

²⁰ Mí apíó, mlimábwé agywun fé nyebí. Mlibwé íwí fé kebi-bóbwé lakpanbweto, táme mligywun fé ahandé. ²¹ Bówanlín wá Bulu asón ámvto béé,

“Νότοι tsun afóósó, bébláa mí ahá oblí bambá.

Mó ó á, mí ahá bumóonu mí omε.” Aní Wie léblí.

²² Iní sv oblí bambá blí igyi osúna há omátófo, megyí ahógyipv. Bulu onó asón blí é igyi osúna há ahógyipv, megyi omátófo.

²³ Ní opasua ámv ifia, ohagyíoha dé oblí bambá blí, oha bambá pú omátóyin bebá mlitá á, bumééblí beε, mli nwun layintá? ²⁴ Táme ní mli féé mlidé Bulu onó asón blí, omátófo ntée ahá aní butamanú mótó bebá mlitá á, amú onutó bóyo asón ámvto, nú iwiasí aní babwé lakpan. ²⁵ Ibéha amú klontá asón bélun owan, béda akpawunu, kánfú Bulu beε, “Lélé, Bulu bv mlitá.”

Opasua Amvto Nnihé

²⁶ Mí apíó, ní mlebá befia Bulu osúmkrpá, mlitá okv tawá ilv, okv tosúná ató, okv towun ató, okv teblí oblí bambá, okv é tonú mó así á, bobwée mó puwa opasua ámv owonlín. ²⁷ Ní akv béblí oblí bambá á, bobwée ahá abanyó. Ní butso kóráá á, abasá. Bvblí mó ikvle-kvle, méní okv obéle mó así. ²⁸ Ní ohaa má ofiakpa invá obéle mó así mó á, bukrpá onó bun, amúa amú Bulu abvtá nklobítá. ²⁹ Bulu onósú atóipú abanyó ntée abasá butói, atráhe abuyo amú asvn blíhé amvto. ³⁰ Táme ní Bulu olé ató súná okvá otsie ofiakpa inv á, Bulu onósú atóipú ámv osíi tói, ohá ámv obli tóá alawun. ³¹ Mli féé mlétalí blí Bulu onó asón ámv ikvle-kvle, méní mli féé mlósuán tóku tsú mótó púwá iwí owonlín. ³² Bulu onósú atóipú amv bunyáa túmi ohé ámúú ide amú kpa amósú, méní bótoi há amú aba okpa. ³³ Tsúfé Bulu asón lolwií, omegyí basabasa.

³⁴ Ní ɔpasua ámu ifia a, atsi bubwée díín. Buma ɔkpa tói. Bubá iwiasí fɛ alíá Mose Mbla léblí. ³⁵ Ní budekléá bónu asvankɔ́ á, bufitɛ amó akúlu wóyító, tsúfé ibu péliá ɔtsi ɔbótóí ofiakpa.

³⁶ Mlilahogyi mliaa, mli wá Bulu asón ámu ilot-suá asi? Ntée mli nkule látsɔ mọ nu? ³⁷ Ní ɔku dékí ání Bulu ɔnósú ɔtáípú mogyi, ntée ɔbu Ɔhétó atokiehé ku á, iwánkí mu ání aní Wíe onutó mbla ígyi ndewanlín sísí mli. ³⁸ Ní ɔmɔhɔ asón ánfí á, mli é mlimáho mu asón.

³⁹ Mí apíó, ínɪ sɔ mlipri ání mléblí Bulu ɔnó asón, táme mlimábláa ɔhaa mliaa, ɔmáblí ɔblí bambá. ⁴⁰ Mlibwe tógyító dinka mọ ɔkpasu wankláán, ifun.

15

Kristo Kvsú tsú Afúlitɔ

¹ Mí apíó, séi á, nkáin mli asun wankláán ámóú neda mọ ɔkan súná mli, mlilóho mósó gyí, mli hógyi ilí mósó ámu. ² Asón ánfí ɔbéha mli nkpa ání itamatá, ní lélé mlilóho mósó gyí ni. Táme ní mlekíná mósó hogyi mọ á, mli hógyi labwé kpaali!

³ Tsúfé asón ání ihíe dehián bɔpɔhá mí nɔpɔba mli ígyi. Mógyí, Kristo lóbowu anɪ lakpan sɔ, fɛ alíá Bulu asun wanlínhé amu léblí. ⁴ Bopulá mu, Bulu lókusóa mu tsú afúlitɔ eke sáásí fɛ alíá Bulu asun wanlínhé amu íleblí. ⁵ Ɔlele iwɪ ɔwan súná Petro. Mọ ɔma a, ɔlele iwɪ ɔwan súná sumbí ayɔpó dúanyɔ ámu fée. ⁶ Inɪ ɔma a, ɔlele iwɪ ɔwan súná mu abúopu tsɔtsɔtsɔ́á buɔɔn ahá lafanu (500) ɔtsáwɔle. Amótó akv bawú, táme ɔɔɔɔɔ butráa bɔtsie nkpa. ⁷ Ɔlele iwɪ ɔwan súná Yakobo é. Ɔma a, ɔlele iwɪ ɔwan súná sumbí ayɔpó ámu fée.

8 Itráhe-tráhe a, əlele iwɪ əwan súná mí onutó ánfɪ nesin əma ba anfi. 9 Tsúfé mígyí sumbí ayəpó ámɔtə əkɔsɔ nɪ. Tekɪ mməfɔn ání bétɪ mí sumbí əyəpó kóráá, tsúfé nedinká Bulu əpasua ámɔsɔ. 10 Táme Bulu awɪtələ só nde namlí alɪ. Mv awɪtələ amv ɪməbwɛ kpaalɪ. Tsúfé nayó agyómá dɔn amótó okugyíəku. Táme megyí mí əwɔnlɪn nəpɔyó mú. Mv awɪtələ amv dé mí kpa. 11 ɪnɪ sɔ ní mlétrá da asón ámv əkan o, amó o, múá idehián gyí mlɪláhə anɪ asón ámɔsɔ gyi.

Anɪ Kɔsú Tsú Afúlitə

12 Ní anɪtedá Bulu asón ámv əkan anɪaa, Bulu ləkɔsúa Kristo tsú afúlitə á, ntogyi só mlɪtə akv mú bɛɛ, awupó bɔmókɔsú tsú afúlitə? 13 Ní awupó bɔmókɔsú mú á, idesuná ání Bulu mókɔsúa Kristo é. 14 Ní Kristo mókɔsú tsú afúlitə á, tekɪ anɪ asɔn wankláán amv əkanda igyi kpaalɪ. Mlɪ mósú hogyi é igyi kpaalɪ. 15 Ní Bulu tamakósúa awupó mú á, mómó afunu anɪdɛwa tɪn Bulu ənó, blɪ anɪaa alakósúa Kristo tsú afúlitə. Ní ətamakósúa awupó á, mómó asón ánfɪ ɪma mótó. 16 Ní əmókɔsúa amó mú á, mómó əməkɔsúa Kristo é ní. 17 Ní əməkɔsúa Kristo a, mómó kpaalɪ mlɪlahə mv gyi. Idesuná ání mlɪlasɪn lakpantə. 18 Mómó ɪtráa desuná ání Kristo ahógyɪpɔ́á bawú é bafwí. 19 Ní əyí ánfɪtə nkpa nkɔlesú anɪ ansídɪn Kristosɔ mú á, mómó anɪ ɪlá bv nwe dɔn əhagyíəha.

20 Táme ənəkwalá ɪda gyí, Bulu lakósúa Kristo tsú afúlitə. Kristo labwé ahá ání Bulu əbókɔsúatə ogyankpapɔ. 21 Alɪ ámóú lowu léba tsɔn nyankpɔsasɔ ámv a, alɪ kén kɔsú tsú afúlitə é ɪleba tsɔn nyankpɔsasɔ ní. 22 Tsúfé alɪ ámóú ahá bɔtowú amúa Adam ɪkɔlebwɛ sɔ ámv a, alɪ kén amúa Kristo

ikolebwe su amó fée bénya nkpa ní. ²³ Táme anitò okugyíakú bu mu bré. Kristo Bulu légyankpá kúsúa tsu afúlitò. Ní Kristo oyínkí bá a, mu é obókúsúa mu ahá fée. ²⁴ Mú òma a, Kristo obégyi òhétó túmi laláhe, iwíegyi pú túmiá ide òyísó gyí féesú asa òyí obómò òhó. Mú òma a, obéyinkía iwíegyi ámu wá aní Sí Bulu ibitò. ²⁵ Tsúfé ilehián aní Kristo obégyi iwíe kpéfòn bréá alagyi mu alupú féesú, pú mu ayabi tsá amósú. ²⁶ Olupú tráhe aní obéhi gyí lowu. ²⁷ Tsúfé Bulu asun wanlínhé amu ileblí obéé, “Bulu lópu tógyító wá mu asi.” Iní imosuná aní Bulu bu Kristo asi. ²⁸ Ní Kristo ogyi tógyítású tá á, obópu iwí wá Bulu asi. Móléha mu túmi dínká tógyítású, fówun Bulu é obégyi tógyítáá ibu òtínegyiòtínésú.

²⁹ Ní Bulu mósókúsúa awupú á, ntogyi sù ahá bude asú bò há ahá aní bawú? Ntogyi sù béha bóbò amó asú há amó? ³⁰ Ntée ntogyi sù aní mú abópu aní nkpa pléí brégyíbré? ³¹ Mí apió, nekáse, ntefia alowusu ekekegyíeke! Igyi tóá ntòpútsú iwí aní mliha aní Wíe Kristo Yesu mlilabwé ikule. ³² Mú su kpaali nòkò Efesofóá bugyi fé mbwíkítá-atò? Ní Bulu mósókúsúa awupú mú a, “Mómó mliha agyi, awí, anu, tsúfé òke sesebre anilawú.” Fé alíá bòwanlín wá Bulu asún ámutò.

³³ Mlímáha ahá aní buteblí asún ánfi odu abumle mli! Tsúfé ahande beé, “Mba laláhe gyí teyíntá òha.” ³⁴ Mlilabwe agywun wankláán, amlisi lakpan bwe. Tsúfé mlitò akú butépi bumeyín Bulu. Nde asún ánfi wanlín sísí mli púsópa mli.

Ọyúlòwá Abópukúsú Tsú Afúlitò

³⁵ Ọkú obéfíté obéé, “Nkálí Bulu obókúsúa awupú? Ọyúlòw mòmú bópukúsú?” ³⁶ Ọha mimláhe! Bì aní

ní fodú ató-abí á, itəpló asa itəkwε. ³⁷ Megyí itóbí ámú fəpəwá əsulótə ámυ gyí əbán amú itədan amυ. ³⁸ Bulu tεhá mú əyulúv pəpwe ání mυ onutó odeklé. Ətεhá ató-abí kugyíkv mú əyulúv ətsan.

³⁹ Alí ámú ató-abí ətsan-ətsan búv inυ ámυ a, alí tógyító əyulúv igyi ətsan ní. Anyánkprúsa, mbwí, mbubwí pú ntsutso aye féeétó okugyíəkv əyulúv ətsan.

⁴⁰ Əsúsú-ató bu inυ, əsulúsv-ató é bu inυ. Mú féeé ibυ əyulúv ətsan-ətsan. Əsúsú klé numnyam ətsan, əsulúsv klé é numnyam ətsan. ⁴¹ Owí numnyam igyi ətsan há ətsra. Ətsra klé é igyi ətsan há ntsrakpabi. Ətsrakpabi kugyíkv ná ətsan, mú numnyam é ina ətsan há mú bá.

⁴² Alí ibóbwe bréá Bulu əbókvsúa awupú ní. Aní əsulúsv-əyulúv anfi itowú, pló anfi ibótson ətsan há múá Bulu əbókvsúa tsu afúlítə, tsúfé mú mú imóowu ekekeεke. ⁴³ Aní əyulúv anfi təpən bréá bopúlá mú, táme ní Bulu əkúsúa mú á, itenyá əwənlín, wá numnyam. ⁴⁴ Əsulúsv-əyulúv igyi séi, táme ní Bulu əkúsúa mú á, ibóbwe əhétó əyulúv. Tsúfé alí ámú əsulúsv-əyulúv bu inυ ámυ á, alí əhétó klé é bu inυ ní. ⁴⁵ Bulu asən wanlínhé amυ lébláa aní əbéε, “Adam gyankpapυ amυ lóbwe əkiankpapυ.” Táme Adam tráhe, ogyi Kristo amυ mú gyí Əhéá ətεhá nkpa. ⁴⁶ Əsulúsv-əyulúv anitegyankpá nyá asa anitebenya əhétó klé. ⁴⁷ Əsulótə-ısi Bulu ləpupwé nyankpυsa gyankpapυ, ogyi Adam amυ. Kristo, amú obuo amυ mú otsú əsúsú. ⁴⁸ Nyankpυsa okugyíəkv bu əsulúsv-əyulúv fé Adam, táme aní əsúsú-əyulúv mú bóbwe fé Kristo klé. ⁴⁹ Alí ámú anıgyí fé əsulúsv Adam amυ a, alí kén abóbwe fé Kristo amú otsú əsúsú ámυ é ekekó ní.

⁵⁰ Apíó, tóá ndeblí gyí, aní ɔyulúv anfi igyi ɔyulúv móa obugya anfi iméenyá ogyíkpa Bulu iwíegyi ámvo. Tóá iteyintá iméetalí nyá ogyíkpa tóá itamayintátó.

⁵¹ Táme mliyaá asv amlinu asvɔn ñáínhé kvá Bulu lalé súná mí. Ɖbéé, megyí aní fée obówu, táme aní fée ɔyulúv bétse. ⁵² Ní ɔkpe tráhe ifóli pé á, aní fée abétse ɔtsáwvle pé. Bulu ɔbókusúa awupú ámv. Amó ɔyulúv iméetrá yintá, ɔbétse aní nkpa atsiápú é fée. ⁵³ Tsúfé ilehián ání Bulu ɔbétse aní ɔyulúv anfi itowú pló ánfí, há aní ɔyulúv itamawú, itamapló. ⁵⁴ Ní íbá mótó ání Bulu latse tóá itowú, bwé mó tóá itamawú, tóá itopló é lábwé tóá itamapló á, inó Bulu asvɔn wanlínhé anfi íbéba mótó ní. Ɖbéé, “Batú lowu así plíplíplí. Isugyi onutó laba.”

⁵⁵ Bulu asvɔn wanlínhé kv é léblí ɔbéé, “Oo lowu, nkónv fú ɔkpe bv? Nkónó fú isugyi bv?”

⁵⁶ Lakpan igyi ɔkpe ání itómó, Mose mbla ámv é itehá lakpan túmi. ⁵⁷ Nkálí kóráá abókukv da Bulu ipán? Móláhá anilatsvɔn aní Wíe Yesu Kristosv gyi ásv.

⁵⁸ Mó sv apíó adwepú, mlilu kínkíínkín, mlímákpínkí. Mlisi mlí iwí fée ha Bulu agyómá brégyíbré, tsúfé mliyin ání mlí gymagyihe móɔbwe kpaali.

16

Itswitswí Ha Yerusalem Ahíánfɔ

¹ Itswitswí ha Bulu ahá ání bvbv Yerusalem asvɔn ámv é á, mlíbwé mó fé alí ámóv ñebláa ɔpasua ámóv íbvbv Galatia ɔmátó mbéé bvbwéé mó ámv.

² Ɖhagyíoha ɔkí mv kóba alíá otenyá ɔnó, ɔle kv yai

Kwasiedagyíkwasieda. Mlímágyo mlíaa mbá asa amlıtswıtswı mú. ³ Ní ne bá á, nówanlín nwoló há ahá ání mlı onutó mléle mlíaa, bupúu ató ámu ya Yerusalemfɔ ámu, pólé amó súná amó. ⁴ Ní ıbu aléá nógɔ á, múmú bóbuo mı yó.

Paulo Okpatu Nnihé

⁵ Ní nɔkúsú tsú Makedonia a, néba mlı wá, tsúfé ndekléá nótswın ınu asa néba. ⁶ Fialı nétsiá mlı wá kpalobí. Fialı kóráá nétsiá ınu nyankpɔ múa atsalı bré ámu fée, fówun mlılası mí okpa nayó otınegyıotınéá nógɔ. ⁷ Séi mú á, mmedekléá néba beka tsın mlı wá keke. Ní Bulu lótsulá á, nétsiá mlı wá kpalobí.

⁸ Táme nétsiá Efeso nfi kpéfın Pentekoste eke ámu. ⁹ Tsúfé okpa kpɔnkpɔntı lafinkı há mí ání nógɔ agyómá ání ıbówa labı. ıbu mútáá mí alupó tsatsɔtsɔ bubu nfi mú.

¹⁰ Ní Timoteo owié mlı wá á, mlımáha ifú ıkıta mu, tsúfé anı Wıe agyómá ámu kén ɔdeyɔ fé mí. ¹¹ Mlımáha ɔhaa okı mu ansıtó kótıkótı. Mlısi mu okpa wankláán oyınki bɔtu mí, tsúfé ntsie ngyo mu a anı apıó atráhe amu.

¹² Anı pıó Apolo asún ámu a, nalıı muıı mbée, obúo apıó ámu ba mlı wá, táme omedekléá ɔbéba séi. Ní onyá okpa á, ɔbéba.

Asún Tráhe

¹³ Mlıda ıwııı, amlıı kınkíınkín mlı hógyıtɔ. Mlıwa klɔn, amlıwa ıwı ɔwınlın. ¹⁴ Mlıpɔ ɔdwe bwe mlı tógyıtó.

¹⁵ Mı apıó, mlıyin ání Stefana mu a mu wóyıtó ahá gyı agyankpapúá bedamlı klɔntɔ Akaiia nsáıntɔ. Bası ıwı há, bude Bulu ahá ámu sım. ¹⁶ Nokókólı

mli, mliba iwiasí ha amóba ahá aní béba betsiá amótó, bópó nsi yó agyómá ámu.

¹⁷ Ansí lagyi mi aní Stefana mva Fortunato pú Akaiko baba mí wá. Tsúfé bude mli obwekpa bwe.

¹⁸ Bawá mí ateto-onlin wankláán, fé ahi amóú bowa mli ámu. Mlibu ahá anfi odu.

¹⁹ Opasua amóú ibu Asia amu féé bude mli tsiá ha. Akwila mva Priska pú opasua amóú ibu amó wóyító amu é behá mli tsiá wankláán aní Wíe idátó. ²⁰ Apíó aba ámu féé behá mli itsiá gyágyágyá.

Mlilata aba puta Kristotó.

²¹ Mí Paulo onutó lapú mí ibi wanlín íni, ndepohá mli tsiá.

²² Ní oku tamadwé aní Wíe Yesu a, ilwí din musu! Marana-ta! (Mó asi gyí, “Aní Wíe, ba!”)

²³ Aní Wíe Yesu Kristo ogyíi mli buale.

²⁴ Ania aní Wíe Kristo Yesu ikulebwe su ntehié dwé mli féé. Amen!

Bulu ntam pɔpwɛ; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

01b09958-fa53-51d1-aae0-88c7e9302503